

Edizione diplomatica

[c.132v]



Thumas heriers.

Un descort uaurai retraire. sil porroit ma dame plaire. mais tot li
uient acontraire. kanques sai dire ne faire. peu pert a son bel uiaire. kele
me doie amort traire. Ele mochirra quant il li plaira. ke bie(n) en a le pooir
trop sotrecuida (1) q(ua)nt si haut pensa mes cuers bie(n) idoit
paroir. diex ke ce sera aura ele ia. de moi merchi nenil uoir. Dame



gens cors honores a cui ie me sui dones. trop grant cruautes feres. sensi
uostre home ochies. las pour coi sui onques nes. q(ua)nt on ques ne fui ames
(et) si nen iert ia ostes. mes cuers de li ne senres. Trop ai fole amor empri-
se. (et) en haut lieu mon cuer mis. ens la plus belle adeuise ki sort entot

[c.133r]



cest pais. nimes (2) sui ason seruice. atos iors mais cemest uis. se ne truis
ens li franchise. mar ui onques son cler uis. Je doi trop mon cuer hair
ki tans maus me fait soffrir. souent me fait esbahir. (et) mon uisaige palir
se iou deuoie morir. ne porroie iou partir quant son uiaire remir. tot le
cors me fait fremir. Trop sui mescheaus damors. quant ie nen ai fors
dolors. pames (et) trauaus (et) plours nonques de li noi secors. Iaim mais on

Image not found

<https://letteraturaeuropea.let.uniroma1.it/sites/default/files/Canzoniere%20T%20T3%20dipl%204.jpeg>

ne maime pas. sen ai la piour partie. un cors alignie (et) cras. bel (et) de
grant signorie. car fuisse ore entre ses bras. tant ke leusse baisie. kes
ce ke ie soshais las. ie croi miex bele mochie. Meruelle est ke ie tant
dure. quant uers moi la truis si dure. ie uif par grant auenture
ke nus tant de maus nen dure. qu(an)t iou regart sa figure. (et) sa tres belle
aleure. uis mest kelmont adroiture. na si belle creature. Douce

[c.133v]

plain de ualor (et) de cortoisie. dols uis (3) color. com rose espanie
des beautes portes la flour de cou ne douc mie. mon cuer mon cors (et) monor
mec en uo baillie. Dame ou il na ke reprendre. ex uairs dols cors bien
taillies. dens blans menus faior tendre. chauex blons tons (et) delgies

Image not found

<https://letteraturaeuropea.let.uniroma1.it/sites/default/files/Canzoniere%20T%20T3%20dipl%206.jpeg>

par losir iuaut entendre. diex ki le fist che saichies. uers li ne me quier
deffendre. car siens sui tes desraignies. Douce dame ie uous proi ke
me(r)chi aies de moi. Iou sai bien ke iou foloi q(ua)nt plus haut aim ke ne doi
anous seruir tos motroi. tant ke iou uirai en foi. or doinst diex enqui
ie croi. ke bien mon seruice emploi

- letto 422 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/edizione-diplomatica-1623>